



Lieber Getrawer. Dir ist vnuorzorgen was schädlicher vbung yn vnnsern landen mit geringen gulden vnuud frembder außlendischer muntz, welche der vnnsern an wirtlich gantz vngemes langerzeit bisher gebraucht. Dodurch vnnsere selbst gut töglich muntz mit vnnsern Seynem vnuud ander vnnsere vnderthanen schaden auß vnnsern landen gewande vnuud dye geringe muntz darein bracht vnuud wy wol wir manchseldige gebot vnuud verboch bisher darwider gethan. So ist den selbigen, als billich gescheen were, nicht gelebt Der halben dy hochgebornē fursten vnnsere lieben vettern herr. Friderich, des heiligen Romische Reichs Erzmarschalck Churfurst vnuud herr Johānes gebruder Herzogē zu Sachsen etc. vnuud wir yn mergcklicher zall vnnsere Rete. vilmals vleysige betrachtung gehabt. obberurten vnnsern vnuud vnnsere vnderthanen schaden, als wir yn allen andern zu thun geneigt sein abzuwenden vnuud nach vilgehabten Rath voreriget vnuud verordent, wy es yn obgemelter vnnsere liben vettern vnuud vnnsern landen hinfurder, mit der muntz zuhandeln zugeben vnuud zunemen zuberzalen vnuud bezalung zuempfaen fall gehalten werde. Inmassen du auß ynligender vnnsere schriftlichen ordenung zuornehmen hast. Dodurch wir verhoffen zukunfftigen schaden ferner zuuorkomen. Auch vnnsern, vnnsere vnderthanen vnuud einwoner, vnnsere lande nutz fromen vnuud gedeyhen mit der hilf gots zuuorzufugen. Derhalbē wir vns vorsehen. Es werde ein iglicher yn seinem stande bedencken, was er hir ynne got dem almechtige vns vnuud yn selber schuldick ist. Das auch kein nutzlich gute sachen one ordenung vnuud gehorsam nicht mag erhalten werden vnuud wiewol dysse ordenung, nicht allein vns sondern allen vnnsern leuten vnuud landen zu nutz vnuud gedeyhen auch zu erweckung vnuud furdrung gemeynes nutz furgenomen, wyll vnnsere liben vettern vnuud vns weitem schaden vnuud vngheorsam zugeulden gar nicht leydlich sein. Sondern wo wir den hyn furder befinden vngestrafte nicht zulassen. Darauß dir mit Ernst gepieten vnuud beuelen dysse vnnsere ordenung vnuud satzung, yn allen ynhaltungen meynungen, clausseln, puncten vnuud articeln Stete vest vnuud brochlich vnuud vnableflich zu haltē. Auch mit allen den deynen vnuud den dy sich, yn deinen gebiten enthalden handeln vnuud wandeln gemelte vnnsere ordnung mit hochstem vleis zu halten vnsorget hanthabest vnuud wo du das bey ymands einichetley weys anders besintest mit Ernst von vnnsern wegen straffest Wo auch solchs von dir selber vbergangen oder von andern nicht gehalten vnuud durch dich wye obenberurth vngestrafte bleybe. Wurden wir verurrsacht yn andere wegen do fur zu gedencken. Dich donor zu hutten wissen daran dustu sampt der billichkeit vnnsere Ernste meynung. Gegeben, zu Lipzke am Freitag nach Vozsemioauditatis. Anno domini. xv hundert.

Ink. 934 (2°) 2. Ex.

Faint, mostly illegible handwritten text in a Gothic script, likely a medieval manuscript. The text is arranged in several columns across the page.

Faint, mostly illegible handwritten text in a Gothic script, likely a medieval manuscript. The text is arranged in several columns across the page.

Msc. Dresd.

J 59^e.

